



中國大事記



民國五年四月十六日

●湖南平江縣知事被戕……平江縣屬湖南武陵道。縣知事查步衢。辦匪甚嚴。本日。匪徒糾黨攻入縣城。將縣知事戕殺。並四出劫掠。次日即挾賊逃散。

同 十七日

●黨人在安徽大通謀獨立未成……大通屬安徽銅陵縣。本日有黨人謀在該地獨立。當經院軍擊散。

同 十九日

●前江西財政廳長王純犯賊處無期徒刑……王純前在江西財政廳長任內。因賄賣差缺。被江西武昌將軍李純揭參。交京師地方檢察廳提起公訴。由同級審判廳判決處死刑。嗣王純聲明控訴。經京師高等審判廳判決處無期徒刑。褫奪公權全部終身。

同 二十日

31215 ●中和公斷專約換約……中和公斷專約。前經兩國元首批准。本日。由外交總長約訂和公使到部。將兩國批准約本互換。

同 二十二日

●准國務卿徐世昌免職特任段祺瑞為國務卿

●特任錢能訓為平政院長

●特任張作霖為盛武將軍

●特任倪嗣冲署理安徽巡按使……原任李兆珍調京。

同 二十三日

●特任各部總長……段祺瑞兼陸軍總長。陸徵祥為外交總長。

王揖唐為內務總長。孫寶琦為財政總長。劉冠雄為海軍總長。

章宗祥為司法總長。張國淦為教育總長。金邦平為農商總長。

曹汝霖為交通總長。王士珍為參謀總長。夏詒霆代理外交次長。

●特任莊蘊寬為審計院院長

●特任張作霖暫署督理奉天軍務兼代理巡按使……原任段芝貴

因病給假。

●招商局新裕商輪載兵赴閩被撞沈沒……招商局新裕新康新銘

愛仁四商輪。在津為海軍部扣留。載兵赴閩。並派海容海圻等

三軍艦掩護。本日。新裕輪駛至溫州洋面。因遇霧被海容軍艦

31216 撞破沈沒。船內軍員士兵七百數十人機師水手火夫二十餘人。悉遭溺斃。並失軍餉銀十萬元。機關槍四架。山砲六尊。及子彈軍衣等。遇救者僅外國船員二人及士兵二十餘人云。

同 二十四日

●江蘇金山縣警兵譁變……金山縣警衛水巡及駐紮該處之緝私等隊。與黨人結合。迫縣知事林開荃宣告獨立。未允。當入縣署搜索款項。縱釋獄犯。經閔行水上警察署派警彈壓。始各散去。●黨人在江西玉山廣豐宣布獨立……玉山毘連浙界。自浙省獨立後。有黨人由浙至玉山。運動警察及縣署警備隊。本日。突向縣知事要求獨立。不從。當將縣署佔據。知事王鐘潛逃進省。旋即侵入鄰近之廣豐縣。均宣布獨立。●廣東龍都督鎗斃蔡乃煌……三省禁烟特派員蔡乃煌。前受政府命令幫辦廣東軍務。粵省獨立後。即被拘留。本日。由龍都督宣布死刑。在城外長堤鎗斃。

同 二十五日

●任命財政總長孫寶琦兼鹽務署督辦
●任命馮德麟幫辦奉天軍務

同 二十六日

●任命張弧為財政次長兼鹽務署長吳鼎昌為農商次長
●蘇軍攻克江陰……江陰獨立後。總司令蕭弼臣。率軍進攻無錫。為蘇軍擊敗。退回黃山。經江陰士紳及外人調和無效。本日晨間。砲臺上復發砲攻城。當由蘇軍司令方更生率軍圍攻。

是日晚間。遂將全臺攻克。

●江蘇太倉駐軍謀獨立未成……太倉向駐有蘇軍防營。本日。駐軍與黨人連絡。圍攻縣署。暨獨立旗。並要求縣知事宣布獨立。當經蘇軍到城勸令取消。

同 二十七日

●湖南零陵鎮守使望雲亭在永州宣布獨立……永州為湘南要塞。零陵鎮守使望雲亭。於本日聯合桂軍。宣告獨立。以湖南護國軍總司令名義。電致北京。與中央脫離關係。並出師進攻祁陽。與倪毓棻統率之皖軍開戰。

●黨人佔江西上饒宣布獨立旋即退出……本日。有黨人四五十人。自玉山抵上饒。至警署劫取槍械。縣知事李廷琳遁走。黨人即通電省城及各鄰縣。宣布上饒獨立。翌日。省中派兵馳救。黨人即於是晚棄城而去。

同 二十八日

●教育部擬定義務教育規程細則……義務教育規程。經部擬定通行各省。現復擬定勸學所規程施行細則。學務委員會規程施行細則。修正審查教科書規程。檢定小學教員規程。計共四項。呈准施行。(細則規程均詳法令門)

●奉天桓仁莊河兩縣宣布獨立旋即解散……桓仁縣知事王濟輝。與黨人邵兆中聯合。於本日在該縣宣告獨立。王任桓仁縣護國軍總司令。邵亦在莊河縣宣告獨立。為莊河護國軍總司令。並率兵進攻安東寬甸。經東邊道鎮守使馬龍潭率兵擊散。逃入

台溝日本租界。省吏照會日領事引渡未允。

五月 一日

●特任郭宗熙署理吉林巡按使

●兩廣組織都司令部舉岑春煊爲都司令……自兩廣獨立後。議在肇慶設都司令部。公舉岑春煊爲兩廣護國軍都司令。並舉梁啓超爲都參謀。於本日宣告成立。

同 二日

●特任范守佑署理湖北巡按使……原任段書雲因病辭職。

●任命趙椿年爲財政次長……原任張壽齡因病辭職。

●任命車震爲湖南長岳鎮守使

同 三日

●上海閘北發見槍傷路人案……本日晚間。上海閘北北四川路。忽發鎗聲。擊斃路人四人。其中二華人一葡人一日人。又受傷者十餘人。該處站崗之巡警一名。亦中槍受傷殞命。或謂係因此警忽發神經病。無故開鎗。致肇此變。惟據傷警未死前所供。自稱無病。亦未發槍轟人云。

同 四日

●公布修正政府組織令第五條第六條……令見法令門。

●公布修正政府直屬官制……官制見法令門。

●公布國務院祕書廳官制……官制見法令門。

●公布國務院統計局官制……官制見法令門。

●公布修正大總統公文程式令……令見法令門。

●公布政府公文程式令……令見法令門。

●特任畢桂芳署督理黑龍江軍務兼巡按使……未到任以前。許蘭洲暫行護理。並令許蘭洲幫辦黑龍江軍務。原任朱慶瀾。奉令進京有諮詢事宜。

●黨人在湖南湘鄉縣宣告獨立未成……黨人聯合湘鄉退伍軍士。於本日入城宣告獨立。次日。經湘潭派兵到來救援。黨人旋即退去。

●山東黨人紛起……黨人近日在山東省圖謀積極進行。本日。在膠濟鐵路旁之周村鎮。宣告獨立。又有三百餘人。進攻濰縣。經濰縣守軍抵禦。相持不下。即墨安邱高密。均有被民軍佔據之耗。膠縣亦被圍甚急。

同 五日

●奉天易涿兩縣人民抗拒測丈……直隸涿水易縣等處人民。近有山北社之結合。專圖抗稅。本日。易涿兩縣人民。因與清丈事務所起釁。聚衆將各事務所搗毀。並毆傷測量員多人。當經經界局將測丈人員調回。從緩測丈。

●浙江改舉呂公望爲都督……浙江都督屈映光。本日召集各上級軍官。宣布辭職。公舉師長呂公望繼任。

●黨人圖襲上海警艦未成……上海黨人百餘人。於本日夜間。乘小輪三艘。圖襲吳淞江所泊之策電警艦。當被艦上水警擊退。並拘獲數人。

●桂軍入湖南寶慶……寶慶本有北軍駐守。近日桂軍由武岡進

逼。北軍力不能支。率隊退出。桂軍遂入寶慶。

同日 六日

●任命傅良佐爲陸軍次長

●展長停戰日期……川湘停戰日期。至本日爲止。現續議展期。

●粵軍攻入福建永定縣……永定縣與廣東之大埔縣毗連。自廣東獨立後。卽有黨人勸永定獨立。永定縣知事密向鎮守使請兵。

粵軍恐兵到侵襲粵境。遂先由大埔派兵攻入永定。援軍至。與

粵軍戰。不勝。引去。

同日 八日

●改稱政事堂爲國務院……申令。現在責任政府。應設國務院。

爲國務院總彙之所。所有民國現行法令稱政事堂者。均應改稱國務院。以重國務而明責任。此令。

●山東增設濟南鎮守使

●雲貴兩廣獨立省組織軍務院……雲貴兩廣四獨立省。爲統一軍事計。特在廣東組織軍務院。於本日宣告成立。並通告外交

團。以唐繼堯、劉顯世、陸榮廷、龍濟光、岑春萱、梁啟超、蔡鍔、

李烈鈞、陳炳焜、爲撫軍。互選唐繼堯爲撫軍長。岑春萱爲撫軍

副長。並攝行撫軍長職權。梁啟超領政務委員長。其宣言如下。

中華民國大總統領海陸軍大元帥一職。依法應由副總統黎公繼

任。已由本軍政府宣言在案。但黎公今方陷賊圍。未克躬親

職務。查大總統選舉法第五條第二項云。大總統因故不能執行

職務時。以副總統代理之。副總統同時缺位。由國務院攝行其

職務。

職。今大總統身猶蒙難。副總統職尙虛懸。國務院又非俟大總統任命經國會同意後。不能組織。而軍事正亟。既當求統一之

方。且國運方新。尤宜作通籌之計。今由繼堯等往復電商。特

暫設一軍務院。直隸大總統。指揮全國軍事。籌辦善後。軍務

院置撫軍若干人。用合議制。裁決庶政。其對外交涉。對內命

令。皆以本院名義行之。俟國務院成立時。本院卽當裁撤。除

將軍務院組織條例另行公布外。特此布告中外。咸使聞知。

附軍務院組織條例

第一條 軍務院直隸大總統。統一籌辦全國之軍機。並行戰事

及其善後一切之政務。

第二條 大總統不能親臨軍務院所在地時。一切軍政民政。並

對內對外之事項。以軍務院名義行之。

第三條 軍務院設撫軍。以其決議或同意。行其權限之事。撫

軍以各省都督代理都督。二省以上之都司令參謀。及各獨立

省分現實之軍隊有二師以上之總司令等充任。新得前項之資

格。卽有撫軍之資格。撫軍無定額。

第四條 軍務院由撫軍中互選撫軍長副撫軍長各一員。撫軍長

得撫軍之決議或同意施行事項。副撫軍長佐撫軍長協議處辦

一切職務。撫軍長有事故時。由撫軍長代理。正副撫軍長均

有事故時。由撫軍中互選一員。代理撫軍長職務。

第五條 軍務院設政務委員會。由撫軍中互舉政務委員長一員。

委員長以下。設各種委員。分掌外交財政法制等各般政務。

委員無定額。

第六條 軍務院設各省代表會。由各省都督各派代表二員。應政務之諮詢。

第七條 軍務院設秘書若干員。受正副撫軍長及政務委員長之命。掌管機密事項。

第八條 軍務院有對內對外特別事故時。由撫軍會議。又經其同意。得任命專使。處理其事。

第九條 軍務院所屬各種委員會及各省代表會之細則。以院令另定之。

第十條 軍務院俟正式國務院成立時撤廢。

同 九日

●陝南鎮守使陳樹藩宣告獨立……陳樹藩因陝西各屬縣。日來屢有黨人乘機起事。致秩序因之不安。特於本日在蒲城以陝西護國軍總司令名義。正式宣布獨立。通電北京統率辦事處及各省。並向將軍陸建章交涉。令將所部軍隊繳械退出陝境。

●黨人佔湖南衡山縣……衡山縣自零陵獨立後。異常恐慌。黨人劉重等四百餘人。入城攻佔縣署。

同 十日

●裁撤採金局……採金局前歸財政部附設。本日申令裁撤。並將該局暫行章程廢止。所有事務。由農商部辦理。

31219 ●贛軍攻克廣豐玉山……廣豐玉山自宣告獨立後。江西即派軍隊往攻。城內兵力不支。遂先後被贛軍攻克。

●黨人佔湖南乾城縣……乾城在湖南西邊。與川貴接壤。本日。有黨人三四百名。聯合該縣警隊。將縣城佔據。宣告獨立。以張學濟為湘西護國軍總司令。

同 十二日

●國務院令中國交通兩銀行停止兌現付現……本日。國務院令。湖自歐戰發生。金融停滯。商業凋敝。近因國內多故。民生日蹙。言念及此。實切隱憂。查各國當金融緊迫之時。國家銀行紙幣。有暫行停止兌現及禁止提取銀行現款之法。以資維持。俾現款可以保存。各業咸資周轉。法良利溥。亟宜仿照辦理。應由財政交通兩部轉飭中國交通兩銀行。自奉令之日起。所有該兩行已發行之紙幣及應付款項。暫時一律不准兌現付現。一俟大局定後。即行頒布院令。定期兌付。所存之準備現款。應責成兩行一律封存。至各省地方。應由各將軍都統巡按使凡有該兩行分設機關地方官。務即酌派軍警監視該兩行。不准私自違令兌現付現。並嚴行彈壓。禁止滋擾。如有官商軍民人等。不收該兩行紙幣。或授受者自行低減折扣等情。應隨時嚴行究辦。依照國幣條例施行細則第九條辦理。一面與商會及該兩行接洽。務期同心協力。一致進行。並飭該兩行將所有已發行兌換券種類數。尅日詳晰列表呈報財政部。以防濫發。仰各切實遵行。上海中國銀行奉令後。即經股東聯合會議。以院令難以遵行。議決照舊兌付。惟以本埠為限。既而南京、漢口、九江、濟南、太原、各行。亦均以此舉於市面有礙。仍各照舊兌付

現銀。

31220

同 十四日

●長沙鑛警與省垣防營交閩……督辦湘省鑛務郭人漳。曾募有鑛警五營。日前郭潛調二營入城。經將軍湯翰銘察悉。令其退去。不從。遂起衝突。當派巡防營撲攻。始將鑛警戰敗。其捕獲者。繳械遣散。郭人漳遁去。

同 十五日

●黨人攻襲山東將軍府失敗……黨人六百餘人。本日。由膠濟鐵路入濟南城。於晚間各執槍彈攻襲將軍府。激戰五小時。卒被防軍擊退。當場擊斃及捕獲者甚衆。

同 十七日

●特任曹汝霖兼署外交總長……陸徵祥因病給假一月。

●十七省代表在南京開會……江蘇將軍馮國璋。因解決大局起見。日前特電致未獨立各省。派代表至南京會議。近日各省代表已陸續到齊。本日。在南京開始會議。中央政府亦派員到會旁聽。

同 十八日

●黨人陳其美在上海被刺……陳其美自雲貴獨立後。即回上海。寓居法租界。本日。突被刺客用手槍擊斃。凶手當場捕獲。

同 二十日

●特任周自齊署理財政總長……李思浩署理財政次長。兼署鹽務署長稽核總所總辦。李國珍署理教育次長。

